

EAE-KO KONTSEILU NAGUSIA. Euskal Autonomia Erkidegoko Kontseilu Nagusiaren 25. urtemuga ospatzeko atzo egindako ekitaldian, Jose Ibarretxe lehendakariak esan zuen duela hogeita bost urteko eta egungo arazoa ETAre indarkeria dela.

Ibarretxek dio «duela 25 urte bezala» ETA dela bizikidetzarako «traba nagusia»

Egungo eztabaida politikoak «alderdikeriak» gainditu behar dituela eta autogobernu erakundeak errespetatu behar direla adierazi zuen atzo EAEko lehendakariak



GORKA AYESTARAN / EFE

Lehen Euskal Kontseilu Nagusia osatu zuten kide gehienek parte hartu zuten atzo Gasteizen egin zuten ekitaldian.

gogora ekarri zituen lehendakariak; izan ere, 1978tik 1980ra bitartean sortutako bi kontseiluetako presidentek izan ziren. Ibarretxeren esanetan, biek ala biek ukatu egin zuten indarkeria ezein helburu lortzeko bide zilegia zela eta «politika eta demokrazia» defendatu zuten edozein xede erdiesteko modu bakar gisa. Haatik, gaur egun, «indarkeria zentzugabe» berbera dagoela azpimarratu zuen Ibarretxek, eta XXI. mendean halako indarkeria «ikaragarriarekin» bizitzerik ote dagoen galdetu zuen.

«Alderdikeriak» gainditzeko beharra nabarmendu du

Horren haritik, Rubial eta Garaikoetxearena ez ezik, lehen eta bigarren kontseiluetan parte hartu zuten politikarien lana goraiatu zuen Ibarretxek. Baina bereziki, lehen kontseiluko presidente aukeratua izan aurretik, Rubialek irakurritako adierazpenak zioena gogorazi zuen lehendakariak. Rubialek eztabaida politikoa «alderdikeriak gaindituz» egin behar zela zioela gogorazi zuen Ibarretxek.

Rubialek esandako hitzak egungo egoerara ekarri eta baliagarriak izan daitezkeela iritzi zion lehendakariak. Izan ere, bere aburuz, «tamalez, oraindik, behar-beharrezkoa da eztabaida politikoan guztiei arduraz jokatzeko eskatzea, baita neure buruari ere». Lehendakariaren ustetan, duela hogeita bost urteko eta egungo helburu nagusienetakoa alderdi politikoen arteko eztabaida «pertsonek egiten duten moduan egitea da, ez piztiek egiten duten bezala».

Gisa berean, autogobernu erakundeekiko errespetua galdengin zuen Ibarretxek: «Hartutako erabakiekiko errespetua, bai eta etorkizunean hartuko ditugunekiko errespetua ere; finean, euskal herritarrok orain eta bihar hartuko ditugun erabakiak errespetatu behar dira».

Bestalde, Ibarretxek EAEko lehen eta bigarren Kontseilu Nagusietan esku hartu zutenen lana eskertu zuen, «egindako lanagatik eta emandako ereduagatik».

GONBIDATUAK

Aurpegi ezagun ugari

Arabako, Bizkaiko eta Gipuzkoako Autonomia Estatutua negoziatzen zen bitartean abian jarritako erakundea izan zen EAEko Kontseilu Nagusia, eta behin-behineko gobernuaren funtzioak izan zituen. Atzo, erakundea sortu zenetik 25. urteurrena ospatzeko Ajuria Eneako jauregian egindako ekitaldian politikari ezagun esanguratsu askoren aurpegiak ikusi ahal izan ziren, garai hartako sailburuak izandakoak, eta gerora bestelako karguak izan dituztenak.

Ez ziren guztiak egon, ordea, batzuk hilda daudelako eta beste batzuk gaixo. Esaterako, 1978ko otsailaren 17tik 1979ko maiatzaren 21 arte iraun zuen lehen Kontseiluko kideen artean Juan Mari Bandres ez zen ekitaldian izan, gaixo dagoelako. Beste kide batzuek, ordea, urtemuga Ibarretxerekin batera ospatu zuten;

besteak beste, Jose Antonio Maturana (Kultura sailburuko kargua izan zuen), Juan Mari Ollora (Ekonomia eta Ogasuna), Jose Mari Benegas (Barne saila) eta Juan Jose Pujana (Lurralde Antolaketa) izan ziren.

Bestalde, 1979ko ekainaren 18tik 1980ko apirilaren 24ra bitarteko Kontseiluko hainbat politikari ospetsu ere egon ziren Ajuria Enean: hala nola Carlos Garaikoetxea lehendakari ohia, Felix Ormazabal (Nekazaritza), Carlos Soltxaga (Merkataritza), Alfredo Marco Tabar (Lan Publikoak eta Etxebizitza) eta Juan Jose Pujana (Lurralde Antolaketa).

Juan Maria Brandes eta Jaime Mayor Oreja ere ekitaldira gonbidatuta zeuden; lehena, Garaio eta Komunikazio sailburua izan zelako bigarren Kontseiluan, eta bigarrena, Turismo kargua izan zuelako. Bandres gaixo dagoenez, ez zen ospakizunera joan eta Mayor Orejak, berriaz, ez zion gonbidapenari erantzun.

Edurne Begiristain | GASTEIZ

«Euskal herritarrek bakean eta askatasunean erabakitzeko gaur egun duten oztopo eta etsai nagusia ETA da», adierazi zuen atzo Juan Jose Ibarretxe EAEko lehendakariak. Duela hogeita bost urte ere «bizikidetzarako eta erabakitzeko traba berbera» zegoela gogorazi zuen, baina garai hartan, «egun ez bezala», norberaren ideien gainetik eztabaidatzen zela nabarmendu zuen Ibarretxek.

Adierazpenok EAEko lehen Kontseilu Nagusia sortu zeneko 25. urtemuga ekitaldian egin zituen Ibarretxek, Ajuria Eneako Jauregian. Lehen eta bigarren kontseiluko hainbat kideekin agertu zen lehendakaria komunikabideen aitzinean. Ramon Rubial eta Carlos Garaikoetxea